

呂新吾集

14
514
8



14
514
8



呂新吾先生去偽齋文集卷之八

寧陵呂 坤叔簡甫著 孫男慎多

重刊

慎高

授梓

姪孫 聲涓

詮次

振

姪曾孫紹楨

訂正

姪侄孫前庚

外曾孫魯楨

較閱

曾孫塔蔡之琪

曾孫 應菊藏板

卷之八

策問類

襄垣與士會策題

問舉人事動大衆民之大戚也乃其勢有不得不然
漳河西突斬關而南一歲侵尋數十步勢不沼吾城
不止夫以萬室之邑委洶濤與勞萬室之民障而北
之孰急則今日之事當披曳且夕講也顧經畧將安
施財用將安出丁夫將安役議者謂紆北關之患則
勞當倍之夫北關之被禍深且久也而又倍之勞可
平又謂免士夫之差夫士夫之第宅在剝床也而又
寬其役可乎十年之間兩事城工民已告憊矣疏鑿

重役又何以堪我欲其費省其成亟其勞節其功百
世利則生斯地者知之也而不得爲願以告得爲者

鹽筴

問權鹽一事自昔講之矣漢唐以來佐國費寬民征
實重賴之而賢良謂其當罷是與非與我 國家邊
儲半藉鹽課歲額固稍稍充矣乃其法則患於難行
浙淮而下亡論已解池我晉鹽也難行愈益甚民誰
食無鹽獨不食解產豈地無美利與抑人官有未精
與說者謂攬中當禁是矣亦嘗禁攬中而鹽不行恐
其弊不在攬中也又謂私販當嚴是矣亦嘗禁私販

而鹽不行恐其弊不止私販也數采則患其竭積采則患其壅何以采之官鬻則病民民鬻則病官何以鬻之夫 朝廷之愛民甚矣今禁其所甚欲而投其所甚不欲無乃非 朝廷意乎卽不恤民情然法愈密而防愈潰其計固甚窮也抑於數說外固自有權宜之法與近議者欲分路以便民而減解課以益齊淮於歲額非益少也臺使者欲稱職竟罷議不知其議尙可推而行之與泥銅版之法者又謂其難變不知其法亦可變而通之與夫國不足則財貨爲急國足而民病則民爲急茲欲國民兩利而又不詭于法

果何術而可

守令問

守令與生民其休戚其責民至隆重也今欲談昔人數往牒執事者非不能其所以相待者淺矣姑與論切近事 朝廷羅真才而布之郡邑謂安民也 詔令且諄諄下矣民未有熙恬時茲何故豈法制未備與責成未至與委任未專與施爲未久與斯四者未盡然也速遷則無遠計久任則多怠心良吏當不然抑待之者必自有道也殫心力者難聞飾耳目者多譽抑廉之者必自有法也課吏無出於廣詢廣詢得

吏政與督吏無出於簿書簿書盡束才與無論成周
今吏治且讓兩漢恐施設者亦自殊也古稱安民在
教養今養不敢知乃其教則學校與法令耳兩端外
果無他術耶抑養民之政亦自有在也識者謂寬文
法尚真實使英雄豪傑各畢所志而監司者按部以
考其成其說是否執事者將待問以行也

均丈問

問則壤成賦夏道也百世因焉則以良法百世無弊
耳我欲則襄垣之壤其道何繇寸寸而度之精矣乃
任人者徇情以滋弊畝畝而親之真矣乃自在者欲

密而反疎或云質其半券夫一家百券或三五百券
可勝質耶或云識以灰錐夫土動錐迷且灰不可標
望可久識耶庚午量冊分爲九壤所謂繭絲牛毛也
而識者笑其徒勞豈天下之事亦有詳而失畧而得
者耶上下山岐奔走百姓所謂擾民多事也而識者
謂其永逸豈天下之民亦有擾而安逸而病者耶傳
曰心誠求之不中不遠我誠求之矣而遠不可中諸
君子爲我中焉夫使百姓恬無事而我待坐食名所
不辭也事不可已而我得紛更名亦所不辭也

兵食

問戰陳方畧孫吳以來備矣一心妙用可以空譚顧
所藉惟兵與食兩者不足卽有孫吳未能以空譚濟
也 國家定鼎北平環九邊而坐之懷戎在我不營
門庭近矣乃尺籍之額浮於百萬不謂足兵邊餉之
供浮於六百萬不謂足食不知更益幾何而後謂之
足也說者謂自有兵而後無兵自有食而後無食此
二千年以前事何可復問又謂足兵不若無兵足食
不若無食此二百年以來事何可輒廢又謂以兵爲
兵以食爲食兵食滋益困惟無兵之六無食之食兵
也乃所以爲食食也乃所以爲兵此廿六說安指與今

西事孔棘非戰之難也而足以戰爲難諸士爲我策
焉直須鑿鑿若迂奇無當語卽工也將安用之

孔孟同異

問孔孟無二道而孟子尤願學孔子者然間有不同
天王均共主也或主於尊周室或主於王諸侯管仲
一事業也或大其甚合或卑其功烈均之事君也或
盡禮而人以爲諂或抗節而人以爲驕均之論性也
或以爲相近或以爲皆善均之去齊也或三宿出晝
或按浙而行均之教子也或言愛而必勞或言責善
則離無論 孔孟兩人難以盡合卽一人言行亦有

自相牴牾者以孔子言之既云無道則隱矣又曰天下有道丘不與易既問如或知爾矣乃與曾皙遊樂不與二三子事功及門自顏子之外皆不許仁而許管仲如其仁豈曾閔之徒不如一霸佐耶子張于祿之學教以多聞多見而子貢又抑其多學而識豈聖門授受原自有兩途耶南子可見而孺悲辭歌喪用聞而夷侯杖諸如此類豈亦有說與以孟子言之既云不見諸侯矣而至齊朝王豈不爲臣不見之義既云得之平陸矣而受其幣交豈不及物不享之云闢二三品之說而道性善是矣他日日忍性又以耳目口

鼻四肢之欲爲性何以服諸家也禁惠王問利而言仁義是矣他日見齊宣不禁其好貨又稱公劉好貨何以服惠王也隘與不恭君子不由何以爲百世之師齊桓晉文聖徒不道何以稱五禁之盟諸如此類豈自相左乎二三子合而言之以觀尙友之學

碑記類

誥贈一品夫人沈母宋氏祠堂碑

萬曆辛丑太子少保禮部尙書龍江先生以原官拜麻起爲內閣大學士又明年考二品滿陞太子太保贈曾祖以下如其官妣祖妣曾祖妣皆一品夫人給

與應得 誥命蓋特典云丙午先生歸既焚黃於墓
矣宋氏者先生母也先生馳書謂坤曰鯉不意微福
聃季之靈得一品恩上及三世先君以先大父之恩
慰先大父以曾大父之恩慰我姓故耳其祖妣曾祖
妣不一姓也皆非宋其何以慰我先慈吾恨不以吾
恩馳外王父 制不可恨不祠我外王父而血食之
禮不可其何以慰我先慈我欲於所生之地以榮宋
之有夫人也於古有不坤報曰先王未之有也然情
所難裁而禮可義起者亦先王所弗禁古者設 以
依神而丁蘭刻木徐孝肅圖父像爲影堂而程正叔

作主孝思所極不相祖述祠以又於母家矣而不可
先生乃十日而建祠焉正門以兩重皆西向爲南北耳
房二入而轉北爲拜廳五間北向又深入爲祠堂五
間皆南向繪以藻山藜其楹戶綺其交疏以獸面爲
門環東一區盡北爲享殿房三間南向盡東爲神厨
爲祭器庫凡九間西向繪以鳳凰樹以松檜軒敞穆
清一視宗祠是地也唐難陽北門天寶中張許守之
邊月障雲千古依稀如在夫人每以忠義勉先生蓋
有所種云或曰祀之日誰爲主人曰沈氏子也姪不
廟姑祀以沈而歸賑于宋焉祀之日誰爲配曰有節

去後文集
之祀姜嫄世妃也不敢以高辛配夫人配其梧溪公
乎男不家女祠宋地也祭畢歸栢溪主于沈焉若祭
田則給宋之子孫使爲棗犧以供夫人祀以世夫人
澤爲券于官俾不得鬻度幾世守乎呂坤曰先生孝
思純摯於無中起念以創古不必有之儀安知天下
後世仁人孝子不徵爲故事而興起者是先生錫類
之弘也抑語有之非作始之難而繼之難所願繼先
生者世此脉亦世此心世此志亦世此祀曰宋我所
自出也不忘我何能忘宋無論先生是先生寄念于
後之人而後之人所念於先生也既辭云君子有孝

子孝子不匱願以視先生楚茨云子子孫孫勿替引
之願以告後之人

明資政大夫都察院左都御史靜齋軒公祠堂

碑

左都御史靜齋軒公以天順八年甲申卒至萬曆十
九年辛卯百二十有八年矣子孫無顯人門牆無舊
知巡撫河南右副都御史吳公自新重公名檄所司
議專祠邑長曰費誰以動民民貧請待之今大學士
歸德沈公鯁時爲禮部尙書家居兩院爲建坊下府
府計料三百金報曰庫羨足辦此矣舉期惟命沈公

乃走使簡吳公辭曰 坊以榮名鯁不德亦既侈有
坊矣鹿邑軒公吾鄉名卿也當祠祠以費寢曷以是
金爲祠軒公有祠鯁榮莫過焉吳公喜曰軒公以德
重沈公以好德重是舉也兩賢競美矣乃命鹿邑令
某地爲祠正堂幾楹右樓幾楹 公之從孫奉祀
生宗周宗蓋以記請於沈公公曰我事也我記不可
以傳乃以命坤余公之同郡後與生也又厠縉紳未
嘗閱正史及年譜知公最悉取據所聞爲記公名觀
字惟行登永樂甲辰進士授行人司副選監察御史
十年陞浙江按察使又十年陞監察院右副都御史

又八年陞刑部尙書明年陞都察院左都御史總督
南京糧儲又六年而告老公之仕進始終如此入官
以來振紀綱繩將吏擒巨寇賑饑民敢豪強興學校
撫流移覈錢穀練兵馬革弊蠹慎刑名清屯牧公之
宦業始終如此嘗謂樹天下之勲伐者必有高天下
之志節世之畫雲麟名鼎彝尙亦有如公者惟是苦
節嚴于一介獨立幾於無羣去惡近於盡法一時中
臺前有大康顧公後有軒公兩人而已初公之以進
士使江南也江水帶水流觸舟舟歌衣盡濕公擁一
衾而臥有司請更衣不受索火烘之燥乃行居官不

餽遺人有餽遺者亦不受曰莫非民膏一省兩省耳行李蕭索門庭寂寞車馬衣裳淡雅如寒素每賓僚宴會歸語家人曰今日喫得滿腹賊物欲吐不能人以比趙閱道稠衆中寡談笑當言則正色數語無剩辭聽者如飲水莫不畏服諧諑之羣劇戲之席見公至則閤然歛避鄉飲酒禮莫過也朝會時公卿各以類聚談卽無言亦相假分笑公擇一僻寂地滅燭獨處鼓靜入班禮畢則一肅揖拱手而別奏疏無枝蔓語致書直叙事情無諛言無俗調與人未嘗處其薄乃兒女子情沾沾煦煦則生來無此色態人以比包

希仁用法嚴明無苟令一出堅如金石小民犯者猶從矜貸至墨吏侈肆吏苛刻吏倚城社而豪敢縱恣之吏欺罔吏皆廉知其不法狀多所彈劾便宜則發問如法不少寬借不請托亦不受人請托有請托者不發封亦不問姓氏所至肅然櫛之文武將吏戒無試其法人以比趙廣漢公之學以誠意正心爲根宗且與河津薛文清同鄉舉意必講中庸學乃其人廉而剴清而激嚴而確不矯僞不慘礪豈不誠正抑極高明矣倘遊孔氏門墻渾化其直方面融以溫格當不獨爲清介士庶幾聖人之徒與嗟嗟自世無斯人

而簞簞無孺龜之餘矣堂陛無貓鼠之嫌矣罍或有
吞舟之漏矣世道傷心識者莫知底極而裕蠱助剝
之君子猥云崇長厚博博大滋水國以雲霖驅夢駕
以鞭策豈不痛哉固知斯人不可一日少也公告老
時黃廟召而祝之再三留知不可強賜路金有加卒
之日上震悼賜祭遣官營壑皆出特眷非禮卿為請
云古之君子有懿行者歿則祀於其鄉公既類祀于
鄉矣建特祠自吳沈兩公始其牲牢之典舉於春秋
豈無如兩公者其人余為樂章以待之其辭曰 赫
赫兮英英萬現兮一凝鎮黃輿兮突青冥駕屏翳兮

驅豐隆凜積雪兮層冰前茅兮招搖退舍兮攬搶停

慘兮舊疆彌節兮新亭皎皎冷冷兮明月清風右迎神

於燦兮室堂下雲鶴兮明香紛錯陳兮殺核敬潔兮

犧羊簫鼓兮將將拜庭除兮羅冠裳對越兮羨墻儼

君蒿兮右我蒸嘗願夷猶兮須臾無我遺兮巫陽右享神

絳燭兮煤蘭蕙炷烟沉兮博山鼎俎兮既薦交酬

獻兮賚我同懽適言歸兮律令慘予情兮不為盤桓

風霆迅兮歛發山河振撼兮公還右送神

睢州守寓肩楊公遺愛之碑

爽鳩氏曰惟天下之至智能愚惟天下之至勇能怯

去後齋文集
惟天下之至仁能忍而智也者又濟仁勇以成功者也易稱神武歸之聰明睿智而孔子行三軍必曰好謀而成然則成天下之大事者德慧術知可少乎哉蓋余數十年來於蜀又得寓肩楊公云萬曆壬寅公以水衡郎守睢一介不取人曰廉吏也三月而百弊俱釐百費俱省人曰良吏也民有弗良者非至庭一無所按問人曰安靜之吏也上官之知公亦云云公自視欲如也曰大丈夫事業僅僅如此耶楊思敬者州之罷閒吏也虎據北郊陰納豪俠魏博河朔間探凡屠狗之徒皆爲死友卽民間所指名各聚稱雄長

者數十百人無論小醜是時河工大舉役者十數萬人賊雜徒作中待嘯而舉梁宋之民洶洶無寧日總漕以聞兩臺下所司議而幸武功者議勦乃命藍都司練健卒三千往捕之凶垣旣鑿師出有日矣是時楊公與備兵蘇交字同年也獨以心事寄之曰時者事之藉也時未可動莫爲之先密報當事者曰勿激激則玉石俱焚矣數日羽書下促之公又報曰無亟亟則機事不密矣是時思敬布血黨於州衙雜青衣中警效必聞雖智者無所匿意公知之益引其腹心褚輔明等數人於臥內執寢戈坦腹推心人爲公危

曰抱虎而眠公恬如也每於閨閣中太息曰思敬良民爲讐所誣吾不能爲雪之何以官爲久之輔明等習公謂無他賜以語思敬思敬半疑信公下令曰思敬讐於耿氏以抱此寃也我當百口保之百姓有願出結者以告民畏思敬爭名保以苟旦夕公曰保者以思敬來思敬猶以衷甲者從公曰女何罪女以虛名自博耳以兵防是示人懼也不敢入城是示人疑也思敬叩首曰明公活我明日獨來又明日徒手來如是者數四公不捕慰而遣之人謂公怯或謂公受金逸賊公痴如也自是賊黨漸懈值河工罷役公密

報當事者曰時至矣乃召思敬而謂之曰惟我知女當道不知也恐有後憂女從我而西爲女申理乃以兵五百衛之前驅其黨之黠者環道左露刃耳語欲劫之思敬動色公穩之曰女有杞讐懼殺女防非防女也衆皆散將入汴門者誰何之衛者曰楊思敬也門者曰止女之求女來授首耶縛以入思敬號公曰救我救我公曰行矣我負女矣女終不欠一死乃以萬姓肝腦爲殉吾何忍吾寧負女不忍萬姓思敬稽首泣曰小人知罪矣無一怨言兩院以屬吏開封尹某者疾惡人也於燭下杖殺之明日解院報曰死矣

方監察恚曰吾欲獻俘以旌揚守之伐奈何斃之事
遂寢先是將送思敬公印赦帖數千紙曰作難者楊
思敬也餘無罪各易獸散以安耕鑿思敬死一朝發
之四境點然當是時非公則株林之變在着睫間矣
乃有忌功者爲蜚語中公公竟左遷去公論至今寬
之尙憶嘉靖辛亥時張少保居來令滑高章任敬之
難公以孟珩李實免倉卒應變疾雷迅雷豫故也萬
曆壬午杭州汎軍劉廷用高文英等恣行錢縛吳巡
撫欲殺之以救得免遂夜掠市肆殺人而奪之貨市
門晝閉鄉官吏垣陳二謨等白監司嚴役警故事杭

城士以上役盡免貧無賴者擊柝民苦之三謨等又
白監司枷其惰失巡者數人家民丁仕卿不平謂監
司曰鄉官高枕而驅貧民以衛之又取其失期者刑
之如天道何遂破枷者而反焚劫三謨等家殺掠甚
於軍事聞廷議以張公往公至下令謂叛軍曰若等
罪不赦吾統全浙兵而來女安所逃死哀女無知且
寬女能勦亂民而平之吾不獨赦女且有望外恩廷
用等捕反得百十餘人而梟之民變乃平公因冠帶
廷用文英禮恩日隆又令董軍事二人估籠魚肉諸
軍諸軍忿曰始爲亂者女也乃今操事權苦我耶公

因設亂令投之得首惡九人以他事縛而誅之亂軍始寧 上褒功陞公兵部尚書終少保嗟夫張公樹掀天揭地之功而公妙旋乾轉坤之手張公受上賞而公中危機張公已矣而公方嚮用勲業終相埒爲我寄語楊公豪傑百折而氣愈雄辛無摧萎居來名佳亂重慶之銅梁人嘉靖庚戌進士萬肩名爲使重慶之綦江人萬曆己丑進士蓋巴渝間氣鍾此兩公余故對舉今昔而同日語之因以見蜀之多才云

鄒平縣石城碑

鄒平有縣自漢高帝始至今千六百年城於斯自隋

開皇始至今千有餘年增以崇墉甃以堅石屹屹巖巖於萬斯年則自萬曆八年邑令李侯始也始侯之來也登城城隘不可以車圮者有牛羊跡烏榆風榆附牆而生出入者攀躋以行不請關鑰每歲議修修輒壞壞復議修記歲歲費不減數萬前令憂之議以歲歲費費於一歲新其城計亦不減數萬父老曰諺云屢常補其直可新而貧者必補補費廉而常補之費易辦也民力不能新矣請罷萬曆戊寅汝南趙公來撫山東下郡國城城亟不可罷於是李侯爲令歲餘矣父老以爲憂謁侯罷其事如謁前令者侯曰無

以城爲也則罷之便如用城則作之費視罷幾何乃
以憂二三子耶明日下令度之城環六百六十丈下
廣丈餘上廣三尺有咫土堞城內外片石一甃無有
也公集父老於庭請之曰茲城也吾欲厚之下倍二
上倍五易堞以甃被城以石可乎衆愕然曰是前侯
議數萬之所未及者也問歲修之費幾何曰千餘金
侯曰吾欲以一歲費已歲歲費令千百年不復費可
乎衆益愕然曰是搞工具器而猶不足者也侯曰第
爲之是時括公家積得銀千八十兩穀二千五百石
侯泰然無憂也曰是當有餘城城下廣三丈上廣一

丈二尺懸溜一百五十有九隅樓四堞甃爲之高濶
如舊之半凡一千二百有八十柵門十六警舍十八
通水橋一斫山砌城固以焚石蒙茸之草不根焉其
丁夫每三人城一尺客戶三日役主戶五日一踐更
終始役其督工官三人耆民十六人其匠木十石十
有人其器物爲索之縶百斤人出草五束得甃一十
九萬稅間架錢一百四十千得灰九十三萬上七則
家戶持畚鍾一人持木一工已還之其費銀五百五
十餘兩粟四百六十石其興作僅五閱月而千百年
鄒平於今遂稱金湯云始驗封大夫張鳴春氏鄒平

人也與余同年友又爲郎同舍歲庚辰大計天下郡
邑吏語及侯鳴春爲子悉其事如此余嘆曰此天下
才也因民之力與財而督責是亟怨乎曰不侯之信
於民也三自常祿外一介不取諸民贖錢幾絕而人
信侯之廉里之地瘠而民貧者悉籍爲役食其兩徵
通邑之兩徵者又食之流移復逋負完而人信侯之
均門外有待鞠之人侯雖饑不退食堂下有糲腹之
卒侯雖權不竟席而人信侯之仁役之日以節省爲
施予以獎勞爲鞭朴歲寒弛役風雨弛役農時弛役
人勇於赴事也如乘屋樂於效其有也如銜邑誠貧

不告疲也城兩城而有餘權又何怨余歎曰使民有
道得其道雖令赴湯火可也宋人乃以一臺賈怨豈
不悲哉侯名瑞林縣人少宰王公通家子不通謁及
以最績徵又爲權貴所劾授大理寺評事其操尚如
此今改工部員外郎事敏功精節則樞下藉甚有賢
聲城其一事云

寧陵縣藥聖廟碑

鬼神幻誕夢寐杳茫昔聖家所弗道即余亦弗道也
又往往謂道之者顧不益然嘉靖甲寅夏先安人隄
於垂堂得疾二血痛五內壅鬱二血嘔下輒盈升日夜蓋

呼聲徹隣里手足寒厥不能寢食者三日矣前死不
得亦亦爲安人所生不待也以金錢卜醫云南吉于
生夢仙者余內兄也家言南往叩之大驚曰無能爲
矣是日臘損交不可補不可余長跽而泣于口無已
爲君萬一幸不濟無子二非乃擬方服之病愈劇嚙血
斗許不能言有聞熟寐空夢黃衣人立於牖上問病已
未安人口未也黃衣曰以子所拜仙藥如何弗效而
安在指所嚙示之曰命矣當再劑問先生爲誰曰某
東北人藥聖也視病五日矣行復顧曰二日後方以
語人卽語藥弗應醒而病腹爽然若未嘗病者詰朝

對客飲食如他日安人渡云云再劑藥熟變如瀟安
人惡之竟不服竟亦無恙余謝于語其事于笑曰夢
聞吾名也吾醫其神而丁是時余欲劑藥聖未能第爲
位於靜室日拜之處已不安人患病旦夜數十起壯
熱不食禱於神得范生回舟所爲方一劑而愈乳媪
痢以飲香飲之亦愈余遂易痢曰此半劑病耳陸慶
丁那冬先大夫亦患痢劑於安人服黃芩芍藥湯而
止明日再作以木香湯下清六丸而止又再作凡六
更方而六止然先君無他症健步如常醫曰勿藥也
余亦漫不爲憂無迫切懇禱狀俄而腹痛下面微痛

乎無及矣身危症爲天天非藥聖藥余余弗誠求余
九死安靈已巳正月安人右脇隱隱如蛇鼠繞身折
裂肌肉漸如驚豚震撼腹心胸背間一觸一痛一痛
一昏腦腹脹不可以息惡心頭重身頑麻木穀一下
咽即噎余憂昏不知所爲遂號泣叩禱於神檢方書
幾篇無足足證也安人故多憂思乃擬開鬱順氣湯徐
徐調之纔數日而即息飲竟痛止蓋脫手諸症如失
家人皆駭異思亦不知其何奇至此也庚午秋安人
病嗽醫曰常症耳余雖禱而供藥謂必無患歲暮感
食明年正且病益篤余始茫然哀禱於神弗應禱於

弗應余弟異之妻胡梅者善侍疾麪粟爲粥且夜時
時進旬餘安人漸起漸語弄小兒而嬉是年天下土
當試南宮期迫矣余長安念絕安人強之余曰母愈
見三公不以換卽一第奚榮爾分膝下咫尺以承顏
色安人志不食召族諸兄弟雜讓之余固請不得命
乃治裝安人喜是日也食倍比余歸安人以恭瀉終
矣天平余不孝厭棄於神不殛其躬乃矧其心余九
死安贖夫親亟余亦亟禱也誠誠固應親緩余亦緩
其禱也不誠不誠不應今而後知事鬼神之道矣萬
曆辛卯余兒乾祠藥聖而貌之貌以夢又明年余歸

自晉陽乃詳其始末記之藥聖不知何許人何姓氏
攷諸載籍弗得闕以俟博古者嗚呼神有德於吾母
而忘之曰悖節毫髮以詫世之人曰誣斯二者獲罪
於天天必奪之余何敢所謂幻誕杳茫盡然耶余亦
何敢

寧陵呂氏孝睦田碑

出名孝睦者何祀先人卹同姓也孝睦以田名者何
可常繼也昔我先君 承德公近溪及我伯考 迪
功公北溪皆仁人也一食一衣思以分人視同姓饑
寒尤爲酸楚欲人人溫飽之弗能嘉靖己酉 迪功

公之子伯待舉於鄉又十三年坤舉於辛酉於是
迪功歿五年矣齋志未竟明年正旦會拜於 宗祠
先君呼伯待與坤命之曰五世同堂皆我骨肉彼鵠
衣而醵食者夫非 洛來公子孫耶每讀范文正公
義田記吾甚媿之夫八門福氣鍾汝兩人幸富貴無
專餘慶以自封願以吾宗相屬余兩人者唯唯不敢
忘又七年是爲隆慶戊辰正月先君歿七月伯待兄
歿亦齋志未竟又三年辛未余登第於南宮萬曆甲
戌筮仕襄垣積俸金百戊寅入爲天官郎得坊金百
又益之以歲入買常稔田五百畝自兩稅外祖墓祭

掃宗祠營建家學館穀宗族貧者之婚喪衣食咸取給焉不足先急者甚不足間佐之以家資必無使困擇宗族子弟之廉而幹者主催科富而有心計者主出納庶幾乎少竟父兄未竟之志哉遂以券聞於邑而藏之宗祠俾呂氏子孫世守焉

襄垣縣鄉約所碑

萬曆甲戌余筮宰襄垣秋八月抵舍視事明年乙亥冬今中丞鄭公撫三雲謂雲中繁憊且與黠劣界一垣難於試令疏三晉久任者調焉冢宰以余請上從之乃移余大同襄之士民不以余不肖當速去也

胥慘慄動離思既強余圖之像矣行日大雪續紛泥塗載道父老數百人又強易余烏相與震哭於堂署鄉先生勸余遠郊庠諸君濡衣淖履拜余於原野遠落僻寨之民又相續執名牒而伏哭於道左者凡六十一聚幾千人有戴香而涕者有曾為余大創而號泣從車不能去者有小兒跪拜於車前者有再越宿而至南關驛者僚儕祖餞伶優亦流淚奏樂哽咽不能仰視明年丙子為余祠又明年丁丑為余碑嗟嗟民情之厚亦至此哉以余涼德之人叨食茲土歲餘矣諸所供需孰非百姓膏血而毫髮無補焉方用為

去偽齋文集 卷之八
媿乃百姓依依有餘情風俗綦摯忘令之大惡而小
惠是思也余何敢承抑將曰某何功德於我邑民而
惟不甚虐也我邑民猶不忘用以風來者云爾余何
敢承昔余之在邑也蒙昧無達識一令下一政行於
民情舉無當也民乃大拂唯時所師事者雙峰姚公
西坪賈公實指命之諸縉紳長者及士及父老實箴
戒之俾不迷於嚮往以速大戾何德與功而百姓之
念余若斯也往謂襄俗儂悍至載諸職官誣甚矣誣
甚矣夫舊令之不忘厚也薄施而侈享焉耻也二三
子無重吾耻設謂余未可棄也時一在口頰間榮矣

安用祠僅藉二三子福靈不以大同之罪禡也異日
復得道銅鞮相與周旋余豈忍忘二三子哉舊遊之
地將睠睠凝睇焉三晉云何恐以謂報祠也是掩余
愛二三子之心也余欲毀祠踏碑平恐拂二三子又
懼弗從其改爲鄉約所夫邑之有鄉約以崇 聖訓
也士民暇則與聚焉談禮讓敦情好以保其丘廬而
俗益長厚蓋有邑則有之矣向余念弗及此實闕然
有遺罪焉請以余祠名之二三子其從則是舉也匪
直免耻亦以遠余罪也是二三子之益愛余也

女兩墓碣

兩吾女也行仲其母名之曰兩生於萬曆癸酉五月
明年余 廷對之燕攜之燕尋銓余襄垣令攜之襄
垣再踰年而女識襄垣以爲家丙子春調余令大同
余攜之大同大同寒苦甚俸不得贖小兒兒食長者
食性善驚以驚得疖病十月十日死於公寓葬城之
西南半里瓦窰村女秀而慧四歲有成人識余行役
日不歸則日念之歸則停膝而喜視余饑寒則促飲
食走火自余之遠兄弟也少長五人出又官絕塞少
骨肉尤憐愛之死之夕淚沄沄盈昔數云家去蓋謂
襄垣云嗚呼兒寧陵人也家何在兒有知則歸寧陵

於禮殤不誌余携女依依四千里而棄之極邊不以
歸則余心不忍誌之銘曰余携汝來余歸棄汝爲宋
西人爲雲中土嗚呼汝苦

廉惠倉碑

倉名廉惠余所題也倉之粟司農大夫監寧武糧儲
劉公景澤所積也粟何由積景澤以羨金及贖鍰所
糴也邊儲舊報餘餘無額多寡顧其人景澤所報十
於從來矣邊人苦米珠而代稍通糴萬曆壬辰秋米
粟之賤視往年倍景澤曰余平生不以公儲實私臺
顧兩年所報繼者已難而復益之如僚友何且遠利

而近名吾耻之以其餘遺後人後之君子亦耻之代之軍民實父母我而我視之子也蓋以惠諸乃自俸薪外盡括之得銀二千二百七十兩有奇開市倉門得粟二萬斛貯之歲益倉是秋也余觀兵於代實目擊焉嘆曰富哉積也人二斛饑歲可活萬人王賀陰德能侈於是乎景澤尙未有嗣行且多男多貴多賢皆如景澤以世其德彼括萬人之命於一囊以肥子孫天道可知矣景澤砥礪名節中外皆知景澤廉至其以廉爲惠則人未有知者乃扁其倉爲今名仍紀其事於石以告後之君子景澤名允新安人

寧陵張氏世德碑

余童子時出里居田里人質不開後生欲竇余顧焉無憎慕也謂人生固如是然遂直少文不可以近綿蕞及壯而之四方遊也見闖闖人機而贗智巧相雄其人無足道者而士君子冠金曳綺縟禮煦言席方丈崇尺蒼頭之飾視中人車馬鞞紛多事仕或先身而後民雅道頽然欲絕迺思純朴士蓋吾鄉有張氏兄弟云張載夫者名汝舟性長厚無喜愠容肺腑在齒頰間以貢爲丘縣令丘貧令爲政大都主節愛景皇子之封也所過費不貲諸郡邑徵富民佐之不

足則倍賦今日罷萬姓以侈一人竭十年膏脂以辦
斯須民弗堪也乃括藏金爲費民用以寧直指謂令
丘豈景外府耶而空藏以給設有軍國急何以應之
効罷令去丘人震道哭曰吾悔之吾知令有今日
也吾何愛於傾貲君子以是知令之仁也爲民棄官
弟汝楫字濟夫國學生也任自然喜咲面四時有春
風其鰥也甫四十餘竟不娶日以巾櫛之故爲兒女
子憂慈父不爲也蓋獨處二十餘年而歿學大夫數
旌之弟汝霖字潤夫德器如兩兒而簡素自持身外
一無所與試於鄉七往還不第恬如也往余爲弟子

員三君子者固朝夕之冠細民冠衣布衣揖無僞遜口
無甘言貌不飾而雅語不俚而真燕飲不奢而情洽
其從人則洛城玉川家僮也善教門下士當岸之十
三皆化其德稱三先生云余友張子開曰予姑氏子
也有父風父惟純字惟一敦龐渾樸如其名買田惟
田者券不履畝不問丈尺人亦不忍欺也嘉靖間以
貢爲內丘丞丞職馬政馬家之於丞也會金歲爲常
承笑曰予三子皆學序士令皆如予也奚翅千金而
利若曹哉辭不受監司賢之檄署沙河署唐山所至
民相悅也如內丘時三邑人謂之張佛三子者與其

孫風教皆萃國子業而諸孫風化風動曾孫所性相
繼遊鄉學風憲風度所養率馴謹類張氏家兒無一
儂薄子蓋家門習養自別云昔人謂天之純佑惟漸
與恒張氏爲士族四世且百年矣青衿成列縉紳勃
勃起漸且恒矣而驟盛衰者卽公卿奚貴焉設張氏
子孫令德弗紹以殄先聲天其祚之哉或云城南箭
村張家自其初祖德高祖思敬曾祖賢祖環世柔良
謹退以忠厚名彼上世已然不自內丘始贊曰如彼
九河來自崑崙其歸必海如彼豫章百尺爲根流泉
以溉吁嗟乎張氏流長未茂駿駿其未艾與

呂李姓原碑

呂李音異徵羽世系異高陽神農二氏而聲相近世
之雜二姓者不知幾家也余莫究其原乃我姓則有
可原者焉余家舊呂姓元以前洛陽主戶也人謂聖
功原明皆我先族然無徵余不敢妄認云至正未有
名黑廝者灌園于新安之水南寨洪武二年以報寇
功授指揮官辭 太祖嘉之賜花銀一觔面取 旨
復其家俾世世無所與 旨尾云勅水南寨種菜老
李欽此黑廝辨姓 太祖操筆欲改之筆端墨落李
字上矣字不可就尋擲筆曰便姓李不妨黑廝叩頭

起遂李姓其子成因焉明年避兵變徙寧陵時邑北
有同姓名者年差長我乃自別曰小李成云成通儒
重葬法將歿謂其子曰李非賜姓也朝廷以誤成之
然不可改矣我欲生從君死從祖仍以呂音葬我題
我墓曰呂某之墓故余家多與李氏婚而蓋棺之後
立旂題主輒稱呂公云族人之好禮者求諸心而不
安以問君子君子曰以爲當呂耶則我祖亦尊君以
爲當李耶則喪祭從先祖子其因之余笑曰李家兒
謁呂氏墳墓行道之人必訝之矣因扁其墓道曰呂
先公塋作姓原

考城令見陽王侯宜民政畧碑

考城地濱大河歲患水民貧賦役重尤重而失均者
稱夫馬民坐是益貧戾爲均之歲省以三千計士民
白於監司請鑄石以詔後人監司報可侯止之不得
業鑄諸石矣余聞而樂道之曰王侯賢矣哉我未之
多聞也父老曰嘻是烏足以盡我公田之沒於河也
例免租詭者托地於河公核之得濫免四百餘頃四
境之無良者悉知其主名與事不侔也發則重創之
合足以懲奸暴歛迹諸精明類是馬步兵之冒仗銀
也入覲之徵路費也官價用之賤削行戶也訟獄之

公拘攝濫追呼也一切裁改盡諸節省類是緝水寇
則身冒沙石慮河決則方春備埽念荒歉則積粟倍
額嚴盤詰則歸並孤村諸防患類是樗蒲者鬪鷄走
狗者男女之雜集寺觀會登泰岱者貨戲具者小兒
之投桃擊培者一切有禁諸正俗類是季試文朔望
試講十日一課士豐供設第高下賞勤能鄉約則聘
鄉先生及耆民之有行者表率之數入約面爲勸諭
諸崇教類是狡者所避異者所懼惰者所安昏者所
忘毅然以身當之不爲勢奪不以謗阻諸擔當類是
均錄一事烏足以盡我公哉余聞之暢然喜又潛然

以悲曰嗟嗟王侯可謂親父母矣父母之於子也愛
其身而撫摩之不忍傷惜其財而節縮之不忍費悲
憤艱危風霜戈戟以身當之不忍使憂卽有謹詞惡
怒莫非至愛真情姬姬爾戚戚爾義父母則不然饑
寒酸楚熟視之不動念也號呼呻吟習聽之不關情
也行道之人爾繼父母則不然怒以所不能苦以所
不欲挺詆微奪而惟吾之適寇讐爾彼其士若民父
之母之者無異王侯也義乎繼乎綿綿葛藟千載有
餘恫矣乃當事者所譙讓未必斯人也課最績書上
考未必非斯人也父老又咨嗟指數恨公不受知余

曰是奚足爲王侯病有衆人知有特達知有百世知
蕭育令茂陵扶風考以第六仍令詣曹帝聞之拜司
隸校尉此特達之知也李果令洛陽鬼神破膽獨刺
史不見錄各益以顯此百世之知也我足以特達足
以百世卽邈世不見知無恨矧王侯所建白臺察下
之八郡令爲儀刑其知也稔也其超遷而特拜也必
矣彼義耶繼耶豈不塗一時耳目博美秩去所謂特
達與百世者不知與王侯所得孰多諸君子幸相慰
哉

寧陵呂氏儒塋圖碑

圖如井田貴辨也塋名抱子携孫親親之情也一名
拱祖尊尊之義也每區二十五天地之數也中三區
無子孫之穴避祖也正塋皆北首禮之經也兄弟並
列輩同也每穴前後相去一丈五尺便展省也左右
相去一丈二尺備三柩也自望柱量起一柩古三尺
尺四柩至六尺四柩至六尺四柩至六尺四柩至六尺
掩土古三尺雙柩連封九兄弟多而穴次少者一世可借二三世
之穴列至東西各盡處轉而內向至墓戶猶不足復
轉而外向如之字樣以盡爲止餘則空之別世數也
餘四借世餘二借穴不以兩人專一世也兄弟耦數
則東西分列如坐席法奇數則以最少者居西偏如


二世法辨長少也冠娶而無後者齒於兄弟之正穴
重成人也正穴之北止許一樹防穿壙也凡葬者入
塋門皆自石下神道尊祖也皆先登思臺首祖設
奠而後入墓告至也塋東班者自西人道上塋西班
者自東人道上俱過思臺喪禮有進而無退也紙明
器皆焚於神道東西示不敢專也葬畢則以主辭寧
原不過思臺而反示旋歸也二世以下封小祖一倍
葬具減半殤封小正穴一倍僅有葬具殊尊卑也祖
重椁正穴棺椁殤無椁昭等差也正穴之墓必豎碣
碣必書行如云明某官某字呂公行幾之墓別齒序

也族行書於碣左偏考世系也祖考妣並碣名高子
孫之碣一尺示尊祖也二世以下命婦則特碣示尊
君也非命婦則附姓氏於夫碣之旁示從夫也墓誌
惟始祖及封婦分鐫餘合鐫示簡便也無功德可誌
者只記姓名年月生卒妻子於碣後惡僞濫也少婦
先亡卽塋本穴無藁塋寄塋惡再發也後塋者以先
塋爲淺深非有水溺腐朽無更棺無更起死者已安
惡再動也始娶者雖早卒無子而繼娶之偕老有子
者不得越列內附重元配也附塋者多則旁借一穴
之地接棺分封廣恩也妾有子或慈子或無子而年

去儀齋文集
踰三十體貌優殊者始得合壙於嫡慎雜附也妾棺
遜嫡一尺貴賤之等也無子少妾葬女殤穴女之類
也其有功德無罪過者始爲之椁示特恤也出母嫁
母之有子者雖無所歸葬不入塋義絕也晚娶五十
以上及苟合婦人並不入塋惡亂正也外婦子隨腹
子乞養子並不入塋惡亂真也殤葬入西門卑幼也
殤穴在祖塋之左右首東西向若侍立然親卑幼之
義也朝祖則分石止柩喪主代告於思臺不以卑幼
瀆尊也殤分尊卑爲前後不分長少爲左右歿無定
也殤列自外而內其穴自北而南殊於正葬也用子

孫之卑幼者各以親近主其墓不褻尊不雜施也殤
葬不樹亦有尺餘之禍紀其名氏生卒示不忘也男
女非十二歲以上名於譜禮於家不得入塋懼瀆大
體也寧原考右妣左地道以右爲尊也二世以下皆
男內女外葬位以近祖爲尊也婦人雖多只葬一邊
不得夾夫分位示一耦也合塋與殤葬俱圓封成墓
也半葬長封未成墓也墓旣成非崩陷不覆土葬不
再也子孫或肆貪於仕路或佞耻於家邦有犯宗法
蕩先業者並不入塋示守身也子孫雖極貴非賜葬
及穴盡不得別塋示從祖也雖有大功膺褒贈不得

勤禱於神道之中賢與貴不敵尊也絕者必繼先近
 門次多子所繼身終之日其業不同胞互分彌爭也無
 繼者則以近門子孫半其祭親盡乃祧不繼之繼也
 自禰堂五祭之外每歲有展省之祭合祖也明日亭
 於兩亭合族也喪事遵四禮以行不動鼓樂作佛
 事請喪請客板除鎮厭從一切邪說俗說以壞家法
 崇正道也自棺椁衣衾外悉從儉質重哀素也子孫
 有感風水變葬式者不以入塋斥之也宗子家長不
 明葬法或塋園荒廢二歲不收則更其人重塋也



余既作井田葬法以贖來世恐來世不能守也乃謂
陰陽家流無入吾兆又爲俚語以寤子孫曰嗚呼天
生蒸民各有分定造化之權在人天將安用我聞爲
惡降殃作善獲福奈何舍我本身求之枯骨今世重
風水者千人而千百人而百此千百人豈能康吉彼
貧寒乞巧之人豈盡衰絕是故一穴之子貧富頓殊
雙產之兒有賢有愚一樹花實或榮或枯此其參商
可得聞與古之塋者或委溝壑不封不樹旣無塋師
亦無塋域當時豈能貧賤凶天如何又有王侯上庶

至于西夷火化江南水塋乃其子孫各有衰旺堯舜
何塋乃生朱均瞽繇何塋舜禹聖人果得佳城而爲
惡者無凶抑塋吉地而爲惡者不生信是則教化可
廢舉世十塋死生有命富貴在天之說皆荒誕而不
情何日者之八字有驗而奇中者又決之五行梅古
等數卦卜有靈相憑色貌著違龜從此數者與風水
之說相左與抑不約而同我觀古昔又不但此一長
安也秦亡漢王一甲子也武興紂死長平四十萬祖
墓皆凶南陽二十八吉穴相似郭璞絕藝不保其身
呂才所言豈無一是彼布衣而得天子其墳何應乃

去偽齋文集
天子世世擇地終亦革命嗟彼羣蒙溺於世情或葬
父母於兩地或遷朽櫬而隨龍朝尋暮訪歲改月更
遂使骨肉爲塵尙不入土尊長無後不得列塋不知
無後者生而與人比舍於人何凶又不知致此人無
後者其父其祖地絕地與予誠愚昧不得其情大抵
死生殊途體氣各分若使果移移種別埋枯根其生
其死是否相因烏生鳳凰牛生麒麟兆此奇瑞豈亦
有墳又蠓蠕蜂蟬蠨蠹蟲蟻壽夭不同勞佚各異或
飽食飛鳴或彼傷此噬想林穴埒廐草木依麗當擇
龍虎風水必有高卑向背大抵人物之生莫知其故

盛衰者勢偶然者遇凶不能避吉不能趨是以君子
以天理爲地理以心田爲墓田生惟吾情之所適死
從吾心之所安不使陳椁暴露定魄屢遷此亦孝子
仁人之用心而禍福吾何知焉至於擇時卜吉避殃
禳除事旣可笑心何忍與古者土塋不踰月豈便吉
日生者倏然死犯某凶辰何秦俗之清明皆可安塋
而周家之嫁娶皆以仲春且同室之人相親愛一
爲精靈反成禍敗使其殃無知耶又何須避使其有
知耶豈忍相害况氣一散而升天久留室家兮安依
至於塋後洒掃此誠何心望歸來而不得爲虞祭以

安神却乃視為凶祟鎮以符文棄諸中野禁勿入門
遂使一別千古之骨肉為荒野不歸之遊魂此皆葬
師以衣食之故愚世人而為其所愚者以禍福之故
納英雄豪傑於醉夢之中明知其不驗而不悟凡我
兄弟子孫當知吾言之可據惟成法之是循毋惑聽
而改度

古風樂府類

擊柝詞

告行人也四更不言言無及矣

鐘初鳴夜一更讓汝王孫公于貴人行嗚呼貴人爾
行冥冥無燭令人疑有燭令人驚鉗爾口輕爾足無

縱橫貽爾辱○夜一更禁始嚴上孫遊入金谷園金
谷園中多媚子王孫自輕乃如此嗚呼歸來無令束
縛却乞哀○鼓三敲漏欲交公子迷且醉相將上危
橋嗚呼危橋古今稱險下有深藏毒龍之黑水上有
百年欲斷之腐板王孫汝勿違失脚悔之晚嗚呼王
孫情不可恣待汝賦歸去來辭已是鐘鳴漏盡時
茅店語 旅行人也

宿不厭蚤起不厭暮蚤起盜乘人宿暮無宿處人衆
藏拙孤行防蹶吁嗟行人無令是顏

道邊穀

道邊殺不得熟道邊鳥不得雛四百千開漢與秦與
亡試問桃源人桃源人樂復樂九章五鼎竟何若世
事叢中無限趨為人莫向明邊去

鬲黍詞

郝氏婦也官令置鬲無處賣小兒爲

賦急室空百計無處我身難賣賣我兒女兒女牽衣
暗暗長啼一行一顧割我心脾賣銀輪官官買鬲
萃屋錦座羅綺銷金上有小兒然花戲耍疑是兒身
不覺淚下不知真兒何處饑與寒爭似西兒筵上喜
踴躍嗚呼苦復苦筵上人不知否

預國七

身可擦炭可吞啞癩何足辭難酬國士恩君頭爲飲
器安用我頭存橋下廟中誰在此義士甘心趙襄子
君不見東隣再嫁妻能爲後夫死

西河詩

貧時共糟糠難時共生死婦人誠爾賤結髮事夫子
留妾妾在逐妾妾歸妾敢誰何殺妾何爲丈夫功名
在進取但恨妾爲管人女不惜一死成君名祇恐名
成人薄汝百里奚無賢妻得不殺歌廢廢

阿大夫

阿大夫計何窮厚幣事左右買得身爲烹卽三公身

無主兩人賂齊臣乃是求封汝封亦此身
意亦此身左右千百口安得許多金
但願野闌民給東方寧即
使遭烹無媿心兩難死不悔拙古來
只見烹即墨

懷懷曲道逢故人

懷懷復懷懷易爲別去難相逢別君十年成空憶見
君馬上下西東各西東不可望回首極目但惆悵當
年挑燭有閒論而今遙語聽不真安得急口與百口
一句說盡千年心終日懷懷自不了仰天忽見鷓鴣
鳥

世文堂歌寄家學諸子

世文堂人千里餘世文堂約近何如應知堂中樹木
爭時長而今漸漸尋尺上當庭之路秋草深當庭之
几晝生塵庭中兄弟尋朋友架上詩書懷主人詩書
兄弟不相值却恨緩急不予濟兒童益大大益老可
惜百年空草草寒催秋瓜小繫繫墻頭寸黍亦離離
遙爲吾家歌式微

千金歌贈開州孫同知

孫君家無三千計願輸千金救饑民眼看闔里溝壑
死我得不死寧辭貧貧後還應有富日死者萬古無
歸魂昭昭大功德冥冥動鬼神無論自今而後子子

孫孫世世食其報只今芳譽滿乾坤海內賢愚大小
誰不知孫豈可憐守財虜以骨視銀貫錢於筋吮吸
食膏灌輸其身汝饑汝死我自富雷與痴兒蕩子喪
家門富雖稱鉅萬人不值分文良田美室高車駟馬
安足論我願百拜稽首懇向天公說雷取金穀玉帛
錢財富善人

雲中憂旱歌 一百一十二及

大造保合本二氣長養萬物在洽潤絕寒冷極煖意
薄四月大麥始二寸久旱井涸地可熅隰草卷葉死
欲盡父老刺促婦子泣逆匱廩竭靡所賑豈是帝德

顧好殺必我長吏惡孽甚惠澤阻滯未下究眾畏虐
焰不敢近小子積罪乃獲免忍使百姓哭道殣是用
沐浴慎禱祀願以弱體備疾疢雨帝官不怨往事蚤
布震震活一鎮

格物歌

先天混沌未分物廣無邊際只一物誰將天地萬物
分中有一物主此物不增不減在吾身萬物與我其
此物我與物今誰主張此物發育乎萬物離了形器
無此物指爲形器非此物爲物不貳精微物包括六
合全體物謂之粗無聲無臭是何物謂之精瓦爍矢

去仙齋文集
窮皆此物世人都將物我分分破此物不成物認得
九竅四肢百骸入萬四千毛髮總一身豈有星辰日
月山川鬼神草木鳥獸與我是兩物是物也物物而
不物於物在物而不雜於物雖然與我不相離我不
格之物自物要知此物如何格莫把此物當欲物不
離事物非事物不着事物頑空物智周萬物可謂格
工夫不在於萬物也休坐蒲面壁冥冥格也休扣盤
捫籥逐逐物格得渾融精透時天地萬物總一物格
非知覺與見聞格後知覺見聞渾是物識緯術數真
前知却非吾儒之格物吾有知乎吾無知到此方為

格乎物以朝聞道聞此物出知德知此物然而識之識
此物而義人神精此物死心於密藏此物齋有神明
有此物古今多少格物人不知此物是何物窮理盡
性以至命一格之外無餘物盡心知性而知天分窮
致知在格物結纓取義好男兒可惜當年錯認物真
積力久苦工夫只為格物於萬物伯夷伊尹柳下惠
一生格得半邊物佛老莊列豈不格物其所物而非
吾之所謂物

好人歌

天地生萬物惟人為最貴人中存好人更出人中類

好人動鬼神好人感天地好人四海傳好人千古記
我欲學好人一生學不會願與我宗族同耐好人類
一切好人事一切休違世豈不在做場人替天出口氣
吁嗟乎百年一去未不還休做惡人脫世間

毒草歌

春序

萬曆庚子春山東饑益二年旱後

也草根樹皮剝掘殆盡又食及野草幸無毒
不問苦辛生蒸而黑者如饑黃者如土屑者
橫野不復收余行部日見道間青草一二三種
花且實矣蔚然獨存問之對曰此荒花鬼曰
也有大毒使入喉能即死幸甚往有食之者

吐瀉懷懷終日夜裂血腸竟不死其難堪視

死甚焉何敢食余救世必而代之歌

柳頭盡榆皮少豈是學神農倘們嘗百草但教饑餓
緩一刻那論苦辛喫不得嗟嗟毒草天對生此既不
延我生又不速我死速死豈不難長饑何以堪

斯正行

長清六月纔禾黍大家小家愁無兩草根挑盡不如
冬又見探鰲啖野鼠沙中糞子哭欲絕阿人臥路不
能語三年長餓一息在那復餘情念兒女破屋一更
搗榆皮我問搗之欲何為土性多沉懷性浮榆木和

之可爲糜極知強活能幾時暫於腸胃勉撐持妻子
填壽老何存死者長樂生者饑慟哭無聲但有淡瘦
骨令人摧心勝道旁一廟有神坐黃金爲身受香火
闍門行 廡亭作也可發知已一笑

闍門自古王孫路妾在闍門臨巷任自嫁夫時便食
貧妾自當蠶日應人賣馬金車橫巷道五五三三來
調笑索妾傳觴令妾歌還送還送奈客何所恨一身
兩不顧阮郎已喜劉郎怒向闍偷自搵啼痕羞着炊
婢知妾心紅樓昔日生嬌痴母家無處不稱客紗窻
閒却舊粧臺而今蓬髮染塵埃女命常安樂婦命有

厚薄女時由已婦由人始信爲人莫作婦人身

艾虎行

一陰生五毒旺五毒之害虎爲長虎今聊艾制其雄
何況蟻蝮蛇蝎與蜈蚣藏伏深窟裏不敢青天白日
公然行世間千毒萬毒安能數無端爲害令人怒禽
鴞草薤良獨難不如制其大毒餘自去

太初吟

一丸六合握吾手身在天先與天後萬古生消一瞬
中乾坤短折蜉蝣壽一丸之外漫不極圓轉一丸無
休息我探其極甚不難非高非厚亦非寬我身之外

去仙存身集
渾無我應知天外更無天開剖一丸觀寰籙眼底紛
紛礙行躑吸取五湖四海九河與百川橫吞萬嶺千
山成大壘水將山送入腹中須臾渾化都無踪兩間
無芥蒂萬古自清平剩得我身何處寄藏在纖纖野
馬內

逝者吟 和葉君歌

大道有二逝鑪錘此萬羣丈人且安坐聽我逝者吟
有個形逝者一去成千古雨露不上天花謝成泥土
彭殤等一盡盡後皆朽腐天仙不羽化尸解還歸母
萬有總成無萬無歸一空不聞久枯木枝葉又重榮

不聞久枯骨復爲血肉形此身亦大難胡爲哉其生
有個氣逝者不隨形而滅薪盡火不盡陶鑄無休歇
尾闕按崑崙滄桑互盈竭精氣復爲物遊魂變爲孽
五帝歸天氣還可釀三王桀紂之餘氛安知非如皇
總之此造物不離此氣化純則舜跖分雜之爲五霸
氣化無終窮輪迴成代謝百代前頭我知我是誰身
千秋後來我知我是何人貞元互終始無舊不爲新
混沌又開闢千番無主賓有個不逝者斡旋此逝者
若無不逝者逝者亦舍也戶扉日開闢有樞爲轉核
車輪千里行特軸爲生持魄偏死如生線索爲攝提

線索一斷絕活機爲死機造化司主成是爲萬物君
先天有元氣又爲造化根在理爲太極在天爲北辰
在地爲坤維在物爲命門無物不顯道泥物失其真
君子得標柄道體會吾身可以成變化可以行鬼神
欲遊川上者請吟逝者吟

參前倚衡吟 和葉君歌

參前倚衡吟頂門一透鍼此鍼有口訣歷歷指與君
千古真傳授只是存此心千古真賢聖只是此心存
此心苟一不有空勞見聖人此心若肯存觸目皆成真
不動不言時敬信滿胸襟造次顛沛際終食不違仁

出門與使民承祭見大賓戒慎所不睹恐懼所不聞
夷狄不可棄恭敬忠與人起居食息間一念常殷殷
行住坐臥時此箇常眼尋通乎審寐中猶然隨影念
豈必在立對處處參倚心既是來參倚便可日相親
不須防去來操切相把捉不可恃慢旁昏散都忘却
楊花卽愈離沐猴縱乃躍和風拂弱柳遊魚煦靜沐
勿助而勿忘無縛亦無脫如以易爲難終緣苦得樂
彼我成一身不離那有合乃知參倚者猶是顏之章
待得兩相從那復問博約我再告學人先絕苟念頭
持將此 忠信篤敬 四字結爲死生遊避是動中用豈

宜動時求寂寂惺惺中綿密更綢繆念茲只在茲雖
休亦勿休養得此念熟一決江河流種豆必豆苗應
歲證幽獨千軍萬馬中靜定以運籌此味嘗始知果
盤勿優柔策我老耄身願與爾同修

節孝吟效白樂天體 贈侍御中素祖母

良人去日無離色止計歸年不計月但願骨肉聚首
體何言聞裏孤身妾猶念歸來行路難誰恤渴饑問
寒熱豈知歸夢不歸身一雲生離成死別孤館老親
鬪可知妾身萬念俱成灰長荒一聲天為泣拔刃自
頸甘如管鬼神誦護得不殊或謂亡人在妾腹忍死

存身為存夫從此保持功若驪珠繼姑逼今改事人抽
簪刺目目為枯婦於色貌世所同悅已云亡為誰容
刀瘢簪跡不辭醜保得無人娶誓膠生為孤死為孤
九轉百回寸寸腸萬苦千辛孱孱夢魂結得夫形
骸淚血滴成兒肌膚甫得三年離乳抱種種食貧同
誰道紡績麻葛伴兒燈拈据夙夜愁中老有疾不令
醫入門止欠一死未亡人兒已成立不須我正欲同
穴泉下魂兒生不識父何狀墾土刻木只想像偃得
寫我一聲哭那得彷彿真模樣懷古讀詩廢夢我罔
極欲報奈若何一刀慷慨殉夫易半生憔悴為誰活

荆溪士民服節孝 天子聞之賜旌表一幅 丹詔
自天來 一滴黃封墓頭草 節婦爲陳開福社門祚昌
隆自今始懷古先生真孝子孫是西臺名御史二世
焚黃他日事天酬節孝固如此

何必吟 和友人語

衣何必文 繡食何必膏 梁埋何必吾子死 何必故鄉
是何必自己非 何必他人利 何必獨我害 何必汝分

官府來

誦天鼓吹衝天上 兒女懽呼看官府 里婦携兒傍里
門 其言此是天上人 一乘肩輿擁百卒 奔走饑瘦那

敢論就中坐者真 秀異珠履金冠錦 細身道旁逃送
簇如蟻 俄然雷應齊聲起 華蓋翩翩幾片雲 動後追
隨連數里 須臾聲遠車塵歇 兒歸女散柴門夕 甕中
無米室無烟 獨抱饑兒啼明月

輿夫語

左肩痛右肩腫 遲轉左不堪 速轉右未甦 欲前不前
脊骨窿合淚告蒼天爲余生十肩

田中草

田中草終日耘 千鋤萬鋤難除根 根不根兮更張王
一莖芟罷千莖長 悔不着意搔其萌 可惜土膏日培

養物極當自有衰時實未成兮折其枝根不可鑿
可斷明年應不復繁滋草兮草兮於汝豈無情嘉穀
爲爾不聊生安得並育不相害與汝相忘田野中

觀鷄鬪

兩鷄鬪爭據視黃鷄烈此皆血漉冠白鷄躍距披其尾
應人觀之猶不已鷄乎鷄乎汝奚爭處則有容克巨
卿

鑿木蟲

無時任自然有時緣成累生來亦可喜造物無終惠
木虵樂無生芳葉悲秋墜終須有墜時生之果何爲

禱雨

愁眉攢作雲滴淚揮爲雨恨不將愁淚洒向焦禾黍
濃雲勿心慰我狂風誰令汝天心豈不仁天威在何許
故令雨澁雲慳風肆虐蒼生坐視蒸民號泣而不爲
之處嗚呼我知之此道難重語

大隱

荆玉藏其實世人渾未識卞和故不仁二向君王泣
真元一以破遂與物消息無復還故吾安用爲圭璧
但令世間有卞和竟是荆玉藏不密

逢故

陽關路虎立道萬古傷心令人老丈夫羞爲兒女情
世間無物競長生與君同寄六合館萍蓬何必問西
東

黃東陵夜訪

多病日侵尋聞客纒成喜相迎纔一笑沉疴脫然已
始知錯用買藥錢不如傾囊沽酒聽君言

送鄒大澤歸楚

四望極入遐萬里得一士所求亦大難况乃同心始
不見室中蘭空歌沉有並別後見南雲旰然念吾子

送唐仁卿歸海南

送君還父里而我尚王庭出門豈無儕伊人各有醜
中宵彈響泉一曲心泠泠分携欲有言相視徒弄營
世路險於淵所憂君知名重雲關蕪羅願與道心冥

又寄唐仁卿

都是我一身散爲民與物痛痒不關心此是頑麻肉
噉噉彼蒼赤誰當護所欲如何經綸時但將詩書讀
我聞孔與墨不得念席突所志非七尺安能一枝足
願君爲唐衢無厭賈生哭

招良心

天王符何之遊樂無終已安宅蹲虎豹靈臺生荆杞

西望不可招門閭日從倚出門無所親况乃千萬里
誰與念饑寒爲君悲墳尾迢迢遠遊子歲暮皆歸矣
君行何時還懷君日如年我家無主翁勅敵滿郊原
須臾見還車不日不夜闢相看疑醉夢喜極淚蘭干
爲君清宮闕爲君樹屏翰衣君紅羅襦食君以琅玕
轉盼與君依跬步與君旋小臣敢獻規無納左右言
五言近跋扈倒持太阿權恒靈我天君君何不悟焉
所願攬乾綱高高與周宣赫赫中興主百司敢後先
天位多覬覦莽操咫尺間身貴慎微行嗾臍悔則難
會太極有序太極不分一而爲陰陽不散而爲五

行渾渾淪淪孰得而汨焉一着陰陽五行如
金在沙如玉在石不淘汰而斧鑿之其真不
見故太極不能不散而爲萬物有萬物而太
極濶矣吾欲歛而還之作會太極

先天一粒純粹以精不落氣質孰載以行既落氣質
便屬後天清濁純駁雜揉萬端氣質所生是曰情欲
情欲氣質雄據靈窟子才一粒奔突竄伏張主七尺
惟此兩孽兩孽衝行七尺乃滅我天安在竟之無從
從亦匪難勿形勿聲念慮未起鬼神未知淵淵澄澄
默與天依始也去住既也安留且夜追隨不覺綢繆

綢繆之久同起同卧無主無賓混成一個一個者天
由我不得語默食息皆是帝則我天之我天我之天
對越誰耶昭事我焉兩孽率服留爲我用何理何欲
總是性命小臣奏捷日月光華溥天共主胡越一家
忍

勇者怒忘者嘆大口小口語駸駸智者汗一身問君
汗爲甚心上有利刃

知人難

暮夜金欺四知充此念何不爲關西夫子楊伯起昔
薦王密薦何以不將白壁視此身却用黃金報知已

怪道君不知故人原來故人不知君

五雜組七首

席間酒令

五雜組錦上添花往復來鄰舍家不獲已賈長沙
五雜組橫錦織往復來天上日不獲已去兵食
五雜組絲繡旂往復來擺渡船不獲已夜出關
五雜組刺繡文往復來推磨人不獲已許投秦
五雜組棕紗絨往復來走馬燈不獲已是刺鄭
五雜組似鳳毛往復來海上潮不獲已作離騷
五雜組刺繡補往復來經絲縷不獲已爲湯武

長短句

貧獸在空山乃見袒裊袒裊相逼來絕谷無奔處
無奔獸愈窮一鬮尙可生獸既生今人被噬吁嗟乎
貧人不如窮獸智

去婦辭

忠厚之至也谷風日居未足仰之

來時衣裳今猶在來時容顏尙未改妾心猶是來時
心良人不復來時待故人自不如新人故情宜向新
人說君新新人妾不忌薄妾何須將妾棄君今去妾
妾須歸舊家隣姬尙可依故道往來無重數今日回
頭淚如雨飄蓬寧朽旺着人却羨豺獲各有主寄語
新人莫快予昔我新時汝不如

麒麟圖歌喜殷東壩生子

生來未見真麒麟張生所圖逼真者殷家昨日抱新
兒始知圖上麒麟毀麟之爲瑞古所聞其物件仁豈
亦仁生兒若得如麟性何必馬蹄牛尾與鷹身殷家
兒真可喜曾在成周郊藪裏博物應稱五總龜他年
端爲蒼生起或言真麟五蹄文一角出則天下民安
樂但得民安樂真假不須辨便教送與千百真麒麟
不將慶兒與之換

自嘲贈賀家齋尹歷城

達人無不可匪窮亦所甘性豈與人殊我道本宜參

去偽齋文集
爲君當擇臣爲臣不擇官今日魯司寇昔者魯乘田
無尊不自卑無功不予難嗷嗷世之人所欲皆求全
無能使各得人心亦可憐盡吾才與力其他無論焉
自笑豈同志行行各勉旃

長平恨

長平恨恨之甚也古人云
惡惡如港伯此惡倍焉

嗚呼切齒傷心哉長平之事昔不忍聞何堪今日長
平之地一經臨女環塗墜尚骨色免魂夜半結愁雲
身死今心生人休兮恨存嗟夫天道好生我不可明
東海婦人能致旱四十萬人何罪一且一種死長平
可憐汝父汝母昔生汝一癢一病便愁苦豈知千恩

萬愛養成身一朝飽膏長平上報阿幸者小弱還四
十萬婦人哭震天趙國有女無夫嫁日頭孤壘平原
阡天帝後來無悔此遂令白起郵亭死嗚呼千死萬
死一白起四十萬人之恨何時已安得四十萬劫化
爲人一劫一度殺其身或葬其骸成蟻蝶風霜一夜
寒寒林哀哉生同閭里死同事死忠死孝男兒志人
生誰不死死死得其所無痛哀贏得二三十年天下淚
四十萬人何憾哉

四言古詩

規鳳詞

自愛切之其見
以物皆輕

鳳皇于飛熠燿其羽五色九苞于例一舉舍爾竹食
孰我廢鼠腐鼠臭穢徑往所窺鳳兮鳳兮何德之衰

其二

鳳皇于飛橫絕千里白鳥仰視莫之與比若同白鳥
白鳥之隙何德之衰鳳兮鳳兮

和葉君

其一

天我之天其大一般彌綸六合充塞兩間我天之我
公平人已自私自利便非天理

其二

天我之天不曾分破纔一合一便是兩個我天我之我
自視莫輕體受歸全無天所生

其三

天我之天難盈我欲我欲若盈天亦不足我天我之我
良貴自然公卿大夫何以加焉

其四

天我之天呼吸相通况剪一心何待三彭我天我之天
是其遺體小心翼翼非體非心

其五

天我之天匪我私親我若獲三才視我猶人我天我之我

托以生蘇萬物大所是維之書

其六

天我之天其尊無對一不相似仰焉有愧我天之我
萬物備身反身而誠天之貴者

其七

天我之天端居虛臺獨知無私吾誰欺我天之我
道定廣設修身以俟生死出入

其八

天非在天木生之我視天在天丙丁求火我非是我
天之言貌未能踐形是曰不自

五言古

賦豈不符五首

仲尼不可作毀譽波隨風眾口鑠堅金白璧生蒼蠅
不疑盜其嫂五倫擲婦公羽日月出没時物影不同形
隔水聽秋砧無以響為聲鄉愿眾所悅豈不變其名
所求無鬼責人非安足驚

其二

至自難為涅緇泥生藟藟蒼蒼君子有獨行污穢焉足染
木蘭以女歸蘇武白頭返身豈不由人我心不可轉
物態誰能逐世路交難險黑仁安可得無擇惡與善

其二

大路滄吾車山徑潔如掃豈不惡泥塗行險終危道
萬事有當然禍福安足保君子守其轍無論遲與蚤
孔子乃終窮儀秦亦自好所得非所欲寧以落魄老
處命

其四

世事交兩可君子惟其通
變溺而遠別無乃太不情
道與事低昂化裁無定踪
舜豈不知告周公亦愛兄
所遺拂我心義恩有重
哀哉宋伯姬婦也而女行

荀息與召忽安用忘其生水流隨所下無分於西東
觀物得我好願與之相從 處事

其五

疾風上柔草靡靡爲之披
砥柱在中流任瀾不可摧
立身忌太異君子無說隨
豈不樂從人我心有真知
哀哉脂韋者哺糟而餒
醜舉世與之親君子以爲非
亦知獨醒難醉生良可悲 處身

一室

一室但四壁蕭然雲物外焚香自清夜
端居登靈籟萬籟各有聽
愁苦欲誰奈塵身所不慮
姍姍有獨愛

乃知我之權造物不能奪奪叶音耐

感興五首

我從東海來西登華嶽嶽清溟而嶽崙令人心骨軟
躡累匍匐行竟以此身免蜀道本周行弱水自清淺

其二

兩聞有雜氣萬象自好醜生者無奈何可憎其性有
去惡豈不仁所念同父母蝮虺本無從矍眊亦可友

其三

平陸千萬里絕巘少人踪乃知下處寬孤高寡所容
比肩無兩大尊緣舉者成誰欲跨下我匍匐往相從

但恐賤微身不足為君榮

其四

土偶偶為人終復化為土化乃還吾初此身了無苦
我有極樂國不思亦不語自予落蓐時覺饑寒痛楚
不幸漸有知六合皆吾盡七情既內盜六氣為外侮
逆境不須論快事奚予補擾擾竟復還安用百年許
造化自喜事無乃好勞歟為寄逐塵翁不須分爾汝

其五

真隱無形聲千古竟莫曉大道有獨契不惜隨腐草
巢許知名人飲洗以自表賣藥長安市豈得懸鵲老

兒女不能藏卒與三身者道

抱獨二首

驪龍有隱珠終日一龍批鱗鮮鮮翡翠羽安能保其身
壽命乃多才高名與禍隣欲求懷玉者當是被褐臥

是世二首

何地不可化何時不可畢纔有往世心便落俗人識
乾坤有時盡何況金與石骨肉偶爾合形氣霎然析
長短不須論回頭皆瞬息解得無生藥長生竟何益

其二

故園餘樂處六合尋苦途誤吞堯舜餌不得江湖居

擎天有八柱樗櫟欲何如世治得吾老世亂豈無須
留意與心論愚哉賦北門

心隱

喬木幾千章大風斃一樹如何獨見龍良以高出故
主人罕行跡小賈多招講大市即深山幽壑皆廣路
上隱隱於心妙請成獨悟萬古無人知此是天樂處

慎口

古來得禪者言語居其九如何七尺軀付之二寸舌
真我同生死胡乃不稱厚第令我不生爾能獨存否
愚哉賀若弼雖血幾盈斗智夫磨堯堅風波了無有

露色已不祥謹令告彼婦不解金人銘爲問出闕叟
無爭

黃鵠不疑雞豕乃斷其骨何况鵬與鷗爾我有同欲
方敵暫相容存時仍相戮利各勢所斃走蹶起齒蹄
死者已紛紛來者日逐逐六合如此寬一枝豈不足
如何爲黃鵠却與鷗爭肉

戒察

竊行不忌瞽竊語不忌聾聾瞽豈無欲聰明數乃穷
况復察淵魚燃犀見水中曾聞戒尼父因知柱下工
與人如睡夜何地不相容

借造物

天地何年有且古老先生一元培命脉五氣散精英
生者不還真成者散其形生成無已極耗竭終當穷
我讀元命包造化已衰翁所願惜精力萬古無洪濛

答張陰恨

兩物不直接一氣豈截更呼吸養出納綿綿豈死生
剝下暗生復夾中陰已萌既墓方胎子乾坤久已傾
欲知斷續理好細一脈絞繩

造物

造物無盡藏物料只如此一氣更聚散萬有爲終始

既足日日生那不家家死况復精靈少偶值涇始泣
千古鍾皇虞百代鍾孔子擾擾世之人安得不羸些
羸些不足憂世道奚底止精靈能再鍾我願為祖泮
于氏宅前一柳清雅如画子愛之賦裁金体以

狀其景云

溪畔一株柳翹翹貼遠天天作石青色白雲觀其間
垂條凝露重疎葉舞風閒流鶯欲度梭踏鵲已彈綿
金絲牽落月青絲鎖橫煙止水沉清影殘霞鋪錦箋
偃蹇成微醉輕柔靜若綿客舍不堪折隋堤誰解憐
媚眼颯爾令纖腰嬌小蠻坐對心條達醒觀興悠然

圖開二年景粧出萬態妍任逐時卷舒不妨蠹雕殘
造化為丹青阿誰誇有傳客來如問画但教倚門看

擬蘇子卿別弟詩

子卿北使別兄弟別友別

妻皆有詩乃於母獨無言未有忠臣而不為

孝子者想明逸之耳余擬而補之亦東廣微

南陔白華之意也

域中有二大日惟君與親臣子多薄命奈何無兩身
東髮事明廷此身已許君既已許吾君私情安得論
我有白頭母未嘗離晨昏行役在邊庭生死付蒼髮
豈無兄弟行子道自人人惟有閨中婦可以寄我心

含笑別高堂勿爲兒酸辛見行多伴侶兒體日精神
計歸常歲晏遲不踰明春北望多風塵無勞頻倚門
吞泣拜芳卿女在卽吾存努力事姑嫜日夜倍殷勤
偕老終有日報德何足云

夜夢題劉伶避拳圖

辱以一人手榮以天下口我是青牛叟

婁公唾面圖

幸不批頰何似覲色

題陳希夷睡圖

休想睡着休躁睡不着無心睡着自然睡着

前題 代雷慕庵侍御

橫枕一曲肱高跨兩隻腳天下亂如麻夢中渾不覺

題春牛圖 山西小民

新春一換萬物發生女發志於紡織男發志於耕農
士發志而誦法寶聖商賈發志而本分經營爲惡者
發志格奸心而忍暴性爲善者發志積好事而廣陰
功嗟嗟鳥獸利毛歲歲更新草木花葉年年脫舊奈
何靈千萬物者惟人却乃冷念灰心不如草木鳥獸
凡我百姓皆有良知誰是茫茫兒之劫誰是土牛之痴
努力今春新德盡洗年前舊非

五言律

讀莊子

死生旦夕爾解破一莊周都是夢中夢却生愁外愁
有知人登障無意得全籌我我一迷者不煩舍我求
長安春望

翠園剩有玉蜀道竟遺金空馳千里日不了五更心
芳路煙橫草遙天鳥觀雲凌其遊子意何處是瓜林
春樹 分金韻

歲晚傷蓬落乘春物我同都將根底意催向枝頭生
新艷鏡鑿李霜蒼白老松所嫌芳歇後獨入望中青

一笑圖

點檢方龍蟄希夷已墜驢爭人無兩虎讓路止單車
許我一生睡煩君五位居真贏竟誰是欲語復躊躇

七言類

註陰符經詩 分金韻

冥冥漠漠抱天根內裏一分外一分莫言黑守終爲
黑纔說陰符便不陰註成九地應無鬼泄漏八埏也
喜神寄與無極之父母好生端默鎮乾坤

戲別蔣吏部又溪年兄

西南行色似秋雲帝里風光盡讓君剩下些兒留着

在行言遠日與君分

別陳竹野大理

鄱門柳色鳥嚶嚶一霎停驂數月情有底笑譚魚石
盡裏垣廓得見河清

別雷慕庵博士四首

京華分夢美人西幾得天街逐馬蹄只任隣牆猶恨
遠惹教雲樹萬重迷

右自饒

遠別離又近別離下馬聞遙淚欲垂曾是向來歡笑
處忍教西望不凄其

右買遷

相逢一語即生平况是論心歲欲更天涯不慣別知

已慕動鄉關兒女情

右惜別

錚錚節概原相許別後莫爲圓軟流萬古此身不再
得人生何必是公族

右相期

戲別沈聖瀛之江浦

法王門下論心日仙帝宮中分手時未論田鄒相看
待先看卓魯是阿誰

別李中齋

一從春榜便相知已恨遲逢又早離畏途曾是同憂
患直道吾行任險夷

別在益齋年兄

蘇軾詩集

卷之八

美人如玉又如春客裏相過笑語頻又是二年千里
別秋雲橫怨柳生聲

別日易第衣而行貯筭數月矣冬寒取着於袖
中得一瓜子惻然下淚賦二十八字

三十餘年並蒂生一千里外引筵情應知歲歲中秋
日剖得圓瓜獻一兒

戲語寄長兄

一惹簪笏不自由說休一霎怎能休野人無個來逼
迫直恁尋忙又攪愁

寄講學諸友二首

隆冬饑渴又無裳日暮誰來救死亾不施錢羨和破
絮且教生計在農桑

晦夜扇門不見燈瞽人蒙被眼朦朧總有星光能照
否濃雲何事又重重

易牙日日在天庖百和入珍手自謂未得殘羹一入
口壯腸依舊是吾曹

送呂倉南入觀二首

頻年士女歌群羊宜使病瘵髡有霜莫向一株思召
伯三秦樹樹是甘棠

宦輪南北又西東家在長安望眼中二十二年猶外

更可知不是逐塵翁

千官忘卻聽鷄鳴閭闔年來春草生見說關中來報

歲正皇應是生通明

廣吾信叟偈

蠶兒糞裏堪投足蟻子穴中可住身個個都來覓淨

宜婆婆大地總無人

孟我驪見寄一首

入聖無階出小乘憧憧終日費經營誰知陋巷簞瓢

客一點靈光照太清

乾坤生我其三才一點神明萬化開我有天光常自

照妖魔何處上靈臺

答我疆四首

防檢工夫未可唾靈光豈得便無疵怪來耳順人不

欺還有從心踰矩時

其二

三月不違亦久哉纖塵猶得入心齋乃知陋巷先生

樂辛苦曾從四勿來

其二

已信漢家無北顧不防驕又南侵莫嫌馬放牛歸

後還費張皇六師心

其四

一知半解非三昧萬徑千岐總一途正欲引君登鷲嶺却教賺我入鸞湖

慎行

聖言還已心風前語藏影莫呈月下身不是作人過謹飭世間步步是荆棘

觀佛藏

一輪紅日繞天涯萬古千秋我自家散氣若還為聚氣今年開是去年花

入萬四千傍枝葉一千七百爛葛藤兩能猶是饒古

詬一笑拈花說盡經

收心

鞞鷹脚鎖幾曾開纔得開時去不問我有摩天棧絲

關徘徊萬里自歸來摩天鷹名

五言絕句

得家信

鄉音不到聞道轉成驚來人有喜色却自動悲情

開花

在蓋應合鬱出萼良可悲從來方盛日便是欲衰時

果樹

無花果不結無枝果不存不知千里葉安用密如雲

長信宮

薄命不承恩紅顏自生妬飛燕在昭陽我欲為田婦

其二

願與未顏隨自許不能免所以班婕妤便解辭詞筆

豕

瘦時猶自免肥來未為福如何見糟糠終日爭不足

公主和親

妾身自劉氏忍割與羶裘却嫌骨肉少婁郎賜姓劉

昧家語 凡四十七首

真愛不在語真悲不在聲有語聲悲愛在無語聲中

黃銅照面黃白銅照面白明是一般明着了自家色

大秤稱物多小秤稱物少平是一般平那個得分曉

一矢落鵠西一矢落鵠東直是一般直爭些不正中

輪轉只循轍几轉無定跡圓是一般圓惟有九不窮

矩方物之母方物矩之子物方箇箇別矩方只如此

好醜如子何愛憎從君適認得那夫人安用飯頭泣

十燭照一身一形分十影那個是真吾休覓無中景

一本長千枝千枝生萬葉依愁枝葉枯只怕無根脉

歸路迷東西愈指愈懵懂跟我走將來到家自然醒

五侯七貴
巧子立天厨聲聲念甘旨不得一齧嘗依然空餓死
有女婉清揚招予入其室只是各衣裳不妨同枕席
傭人修我牆塋繪成華堵積雨一夕傾乃知是糞土
兩足占一尺平地渾不怕如何萬仞巔巖落常跌下
久坐室中白久行口中黑不知我面皮那箇是本色
羶腥儘掩得面目無藏處端居無所思獨對階前樹
蕭烟自芳臭濁瀦無海波爭憎醉面赤不飲却如何
相近不相及緩急何益我渴死舟邊鷄難救舟中火
榆莢最輕薄砧石極重厚試問淺浮兒兩般那個壽
沸湯不驟寒釜水不驟盡天由積薪成如何只向頓

路有千萬條長安無兩處只是到長安莫問從來路
一汲井爲酒一汲井爲茶茶酒是二物井水非兩家
一榻萬誓疑萬里一言信疑我無人非真人自達觀
熱裏常昏昏關中不惺惺未到蓋棺時誰肯念頭冷
枯木不分春死灰不認火任教西施女座後懷中坐
不隱懼時心都成怨後口敵席畢輪自惡從愛時有
午睡偶然濃今宵全不出昨晚不曾食今朝食倍惡

慎獨

晝莫辱形影夜休懶夢寐何必上帝臨吾心是上帝

存心

作事莫從心發言休任口聖賢兩字訣惟是一不苟
努力

俗士厭譚心道人只尚口英雄多少人學問不曾有
示兒

先儒有口訣後學要心依涵養須用敬進修在致知
靜夜

夕陽若許蟬噪起綠楊道蕭蕭夜半時天外一聲鳥
月食二首

食豈豈不易望日減清輝始知滿招損天且弗能違
午食還午復猶怨食之者如何二五後却自如鉤也

明月不文過晴空光漸微人恐不更也何妨昨日并

混世

白練易爲汚方石易爲磨爲人欲爲壽其如衆射何

亡親舊居

都是傷心處如何瞻眼行無端百種荒唐作兩頭領

別夫

畱妾一身在憐君萬里行夜來新病日不欲到長亭

思遠

夢若君不知思君君不覺枕袖無塵生時時清淚灑

隋堤

去後齊文集
山河無定主風物易從人當年隋氏柳又入李家春
示見

門戶高一尺氣焰低一丈華嶽只讓天不相没人上
慎言

封我有無瓶藏在深深處外面進不來裏面出不去
混世

只覺世礙吾便知吾礙世一世敵一身到處無存地
止念

小睡都似夢纔醒便有思問君百刻去口那是寂然時
耐

積事緣多躁成功爲耐煩兩事堪訓火和絲與繫環

養柔

舌到老齒勁半生落因圖盡圖無藥術無懦弱

惜陰

後瞬非前瞬來息是再息莫戀一刻閒就汝萬年日

附折桂令 先君愛此詞故余每每作之

述懷

抱一腔萬古全愁遠慕黃虞近想商周想那民育春
臺物生玉燭世若瀛洲豐衣食的黃童白叟他話春
麻在商畝西疇豺虎無求鷄犬無憂二千年望斷二

生二廟行淚揮鎖雙聯

書齋賦咏

是前身書鬼文仙最喜繡帙更愛牙籤註疏十二鐘
綱百五子集三千一會家覽與亡觀治亂千年在眾
一會家關身心探性命萬古同然對聖陪賢廢衰志
餐願來生還與儒身細讀徹萬卷千函

九月十日壽詞 父生日也

粲東籬嫩嬾花開笑擗菱頭跪迺孃懷琥珀光濃饜
鬪香嫩滿滿斟來喜臨隨三兒舞綵低調笑二婦添
杯散子輪磨枚馬爭猜但願這一日千年再不換九

棘二槐

十二月二十四日壽詞 母生日也

舞長空瑞雪繽紛椒盤送臘梅鼎生春南海重來西
池住世東嶽前身天理念不當何忍陰陽心據苦憐
貧蛇蠍同仁鴉鵲知恩願從今永世千年做人間救
苦天尊 母逢享用過奢或暴殄天物輒曰不當見
貧子乞兒或傷人害物事輒曰何忍此平生口
也

襄垣祭詞 母忌日也

倚西樓冉冉離魂來也無知去也無聞雙淚淋漓一

言囑付俱是何人望眼書臨行不准分身話欲寄誰
因承志雷雲具慶餘塵痛煞難共當初冷凄凄易
滄而今

收塞北五首示兒

是罷不是罷掩口休題你說你是誰認誰非愚夫識
淺昏人見迷自家明白自家知
冤枉不冤枉只休作聲越辨越惱越認越輕水搏浪
起石擊火生人心不明鬼神明
人善與人惡只是休管直言取恨心言不感你止他
非他計你短禍福由他不怨俺

任他占便宜我少何妨身外之物都是餘長讓得有
味爭取無光萬般不似好人齊
大凡關係語切莫開唇你與他厚他豈無親你叮嚀
他他囑付人翻來翻去到你身

望江南五首示兒

休信步水下萬尺潭黑水潛深不可測饒龍蜿蜒怒
其間失腳望人難

休言語笑裏有刀鎗本謂赤心置人腹卻招白口惱
君腸蕪城要守防

休驕亢人我一般同便呼牛馬奚予損卽稱叔伯儘

君榮一美兩相成

渾厚妙分曉最為愚所以知白只守黑世間無紫不
奪朱温而理何如

貧賤易富貴良獨難一分有利一分害半生不足半
生安雷福與曾玄

清江引 放心

關了紅門上了鎖入面風難過看防蓋有人勾引沒
一箇不知小猢猻多蚤晚離了我

家令

昔余具慶日每逢佳節以此代萊綵蓼莪既詠華

萼離群追念往昔潸然涕泗書此以共父母俱存
兄弟無故之君子

家令者家慶稱謂之敬也敬以三枚分上中下上父
母中兄弟夫婦下子孫僮僕也家人之義以連和為
美以離間為凶以尊敬長上為大以子孫蕃衍為福
以合對成群為聯異之道以闔家薩樂為太和之休
以七嘴八舌為起禍之端以小星為遠下之賢以遠
別為內外之分於義無所取特借以示訓耳精思者
必笑之

一敬

一對么為儉 數少似齋齋一盃

一對六為勤 十一月無虛日也贏二盃

一箇四一箇五為昏惰 四體不動五穀不分也自

飲一盃

一箇么一箇六為奢 一本小末大也自飲三盃

一對二或一對五為合奇 貴不孤也贏人一盃

一對二或一對四為合黨 惡重比也自罰一盃

二三骰

一二三為下連和 說脫下席一盃

四五六為上連和 幸上席一盃

二三三四五為中連和 通席一盃兩人對飲贏

一盃

上連和父母怡也下連和子孫睦也中連和兄弟

既翁樂爾妻孥也

三箇四紅為太和 通席二盃對飲贏三盃

此所謂合家懽樂也父父子子兄兄弟弟夫夫婦

婦各盡其道各修其業一門之盛也

三箇一二三箇二二三箇三三三箇五三箇六為合對成群

事體相同輩數相同者飲一盃對飲贏三盃

一對之外一箇附之物二為對物三為群同體之

象同心之字也

一一四為子孫衆多 除尊者一人卑幼各飲一盃

太極生兩儀兩儀生四象

一一五為尊敬長上 衆奉尊長一大盃

統於尊也五行一陰陽陰陽一太極

一三五為小離間 自飲一盃

一二四間隔小有言也傷下

一四六為大離間 自飲二盃

一三五間隔大有言也傷上

一箇三二箇六為七嘴八舌 尊席三盃自飲二盃

二箇六各令數一箇三為半數一六若各損其一

以益二是二散各五豈不均乎今乃各持當益其

分弱小一箇六分二為八一箇六分一為七二家

猶謂不均互爭多少二被離折九恨之有七嘴八

舌之家乃謂家爭也家之不齊尊長有辨焉席尊

二三盃擲散者當其辨自飲二三盃此散只論十五點

此謂爭十五又有四五六為順十五讓道也順數

三入各一盃又有二箇五為均十五平道也謂席

各一盃

一箇六一箇四為小星 同室各飲一盃

一箇六爲一老陰二箇四爲兩少陰上遠下下系
上各得其道也字內各一盃或有御室者飲雙盃
一么二六一六一么爲遠別 惟夫婦共飲餘免

四散

此散須要四時之氣備如四箇么爲四時之元四箇
四爲四時之盛四箇三爲四時之正各贏一二盃二箇
四一散么爲有間四箇六爲有中有節備一十四氣
各贏闕席二三盃轉十二三點爲四時雜氣免飲四
順爲一氣相因歲下家四人其餘俱以十二點爲主

或多一點或少一點俱照點自算

五散

或謂此散豈能盡得余嘆曰五行豈易合五倫豈
易盡談多擲以歌飲一得便多飲矣無厭遲也此
是解酒散子

散義以五倫全備爲主五箇么爲生性五倫五箇五
爲盡性五倫一二三四五爲循序五倫轉一十五爲
各重五倫一名五行五箇么爲本體五行五箇五爲
成數五行一二三四五爲生數五行又名陰陽五行
明十五轉一十五爲雜揉五行俱以贏闕席二三盃對贏
轉十五

五五其餘五同者五箇二一五箇二為進修五倫進氣
五行五箇六為賢習五倫極氣五行各贏全席二不
一對二二三箇五二二箇二一對五是二五而盈二五而
缺為消息五行贏全席二不盈但得本題不分真贋俱
許對勝其餘以多五贏少五不合本題者自飲一盃

六散

六箇么六箇四為六合同春六箇六為二十六宮六
順為盈科到海又云一木萬殊俱贏通席六不盈六
同為天下一家贏通席二不盈二對者無奇數照點數
與點到各對飲二不盈二箇其餘以多六贏少六雜十

二點十八點二十四點三十點俱以六數作散不分
真贋任其格配但多少一點詩零格不許總計其零
散詩一散不許三散凡論對之法皆倣此

樂不樂

蕭靖下木秋八月先慈病目遂失明先慈故躁急張
目四望而一無所見也乃以頭觸壁大號哭不食者
二日長垣唐氏眼科名家也迎之至日目忘火動而
張若斯何效之能錄余真知所計乃召醫婦絃歌以
娛之積五日稍稍下食歌者辭窮則更其人或令之
說書如前漢以前後齊七雄三國殘唐北宋之類凡有

各絲無遠近必致之如是者歲餘而母漸平其日候
於側則王趙朱大張小張五婦日不乏人居吾舍歲
續食死而葬吾土焉先君每戒三婆二婦無令入門
至是亦而體子婦情莫之禁也由是賢孝古人僕婦
女莫亦能始末先慈沒且四十年矣每生辰佳節獻
以文 慈其所樂 養倚西樓一闕絃而不歌寄余
懷 幸本以來每念先慈失勇之甚也見失目者
乞食則 饋之給食倍於諸可童男則爲粥舍養
一簪師令之說書卦卜人余爲輯子平要語及勸世歌
曲使教習焉女童則以屬督婦教之茲歌余爲買樂

具待其能自衣食則可其相宜者配爲夫婦聽其所
之不至號乞蓋余叅商濟南曾發此政於郡邑翁然
成風云或曰四方之婦不可令人房闈絃歌之聲不
可聞 聞門余曰此家闈也余何敢以爲不然古之
君子非 之喪才 去樂又云心中斯須不和不
樂而鄙詐之心入 孔子闈絃歌而喜武城子游
且以絃歌爲學道至於房中之樂自古有傳關雎則
琴瑟友之鸛鳴則琴瑟在御禮云樂在闈門之內父
子兄弟同聽之莫不和親女訓曰舅姑命之鼓瑟必
正坐奏曲小曲五終大曲三終尊者之聽未獻則不

敢正問何曲則起而對問闈之間何嘗以樂為諱哉
自樂教亡而樂學廢士君子見琴瑟簫笙猶僅識其
名詞律呂聲音則懵然莫得其解寧使優柔平中之
德性壞於無資忿疾暴戾之氣習炎如烈火而成於
樂一言遂為千年之弊世俗所傳如秦阮等瑟流而
為庸優之業務以雅人莊士更賤之夫彼童妖
女諷之近而琴瑟笙簫久失元聲孟子曰今之樂
猶古之樂此語非為齊王遷就直得音忘器之真
傳與何者心有淫邪聲無正邪曲有淫雅器無正邪
瑟古也子路鼓之為殺伐臣情以瑟為害義琴古也

相如以之批文君桓譚以之奏鄭聲等俗也樂門屬
彈之能使喜者歎歎戚者舞蹈琵琶俗也康崑崙讖
新曲能耐久早之而段善才風香調能回暴雨之晴
彼頃刻曲格天動物豈淫邪之器乎夫樂主導和
絲竹何嘗有意識誠以變邪正因之發人使俗樂而
奏雅調自有益於性靈古樂而播哇聲亦是惑亂心
志在音不在器在心不在物也不然病者呻吟豈有
曲調孝子聞之酸心他人聞之掩耳草虫嚶嚶何所
感通常人間之若賸思婦聞之獨憂故曰凡音之起
由人心生也余家絕妓女戒淫辭而未嘗戒俗樂其

其儀齊文集
子弟詭雅正而卽荒淫招倡優而歌豔治以亂家法
者自當誅心若不正心而惟樂之罪則世之不知樂
而流於淫僻者何可勝道而亦以之罪樂耶作家樂
解

聯句類

天德王道

求道學真傳且高閣百氏諸儒先看孔孟以前躬次
問治平要旨只遠宗三皇五帝淨洗漢唐而下心腸
勇往返求

好學近乎智力行近乎仁知耻近乎勇有志者事竟

成那怕一生昏弱

內視之謂明反聽之謂聰自勝之謂強外求則失愈
遠空勞百倍精神

領惡全好

善根中纔發萌葉卽着意栽培須教千枝萬葉
惡源處畧有涓流便極力壅塞莫令暗長潛滋

任大

辦天下大事要精詳要通變要果斷要執持纔鬆軟
怠弛何異鼠頭蛇尾

除天下大奸要顧慮要深沉要突卒要潔絕纔張皇

去偽齋文集
疎慢是櫻虎鬚龍鱗

世運

一種不萌芽六塵不締構何須度萬衆成羅漢三千
九邊無夷狄四海無奸雄只宜銷五兵鑄金人十二

治心

忻喜權愛處便藏煩惱機關乃知雅淡者百祥之本
怠惰放肆時都是私欲世界始信懶散者萬惡之宗
修己治人

宇宙內事皆備此身
一權未完一毫未盡便是
分破綻

天地間生莫非吾體卽一
法不獲一物失所便是一
處瘡痍

擔當鎮定

利害死生間有毅然不奪之介此謂大執持
驚急喜怒事無卒然遽變之容此謂真涵養

銓署

直者無庸我力枉者我無庸力何敢貪天之功
恩則以奸爲賢怨則以賢爲奸豈能逃鬼之責

慎機

圖大於細不勞力不費財不動聲色暗收百倍之功

用柔爲剛愈涵容愈媿屈愈契腹心化作兩人之美

重內輕外

看得真幻景卽身不吾有何傷况把世情嬰肺腑
信得過此心雖天莫我知奚病那教流語惱胸腸

懲忿窒欲

克一分自分千萬分克得盡時纔見有生真我
退一步百步千萬步退到極處不愁無處安身

負荷包容

力負丘山未足雄地負禹山此身還負地
量包滄海不爲大天包四海我量欲包天

沉冷

心於澹裏見天真嚼破後許多滋味
學向淵中尋理趨湧出來無限波瀾

書齋自警

植萬古綱常要立定自家地步
做兩間事業先推開物我藩籬

又

處世莫驚毀譽只我是無我非任人短長
立身休問吉凶但爲善不爲惡憑天禍福

處事處人

世上無難處之事只消兩個如之何
世上無難處之人只消三個必自反

寄講學

白日當天又向蟻封尋燭火

黃金滿室却穿鶉結丐藜藿

公署

只一個志誠任從你千欺百罵

有三尺明法休犯他十惡五刑

又

皇天下鑒此心敢不光明正直

赤子來遊吾腹願言豈弟慈祥

應世

何是何非何長何短但看百忍之圖

不瘖不聾不痴不聾自取一朝之忿

自警

天不可欺人不可欺何處驕藏些子

性分當盡職分當盡莫教欠缺分毫

又

慎言動於妻子僕隸之間

檢身心於食息起居之際

又
念念可與天知盡其在我
事事不執已見樂取諸人

警世

萬般好事說為終日不為
百種貪心要是何時是足

自強

剛着頭看年年有過差
放開腿行日日見長進

抽隘鞭疲

淺狹一心到處便招尤悔
因循兩字從來悞盡英雄

訥言慎行

捱不過底事莫如蚤行
悔無及之言何似休說

謹言慎行

事到放得心下還慎一慎何妨
言於來向口邊再思一思更好

譚交

百毒惟有心惡毒苦

高味無如滄味長

默機

總運泉壤終須白

纔露天機便不依

白警

纔逢樂處須知苦

既沒閒時那有忙

處世

難乎能忍

妙在不言

醒世

縱作神仙到頭也要盡

莫言風水何地不堪埋

書舍雜題

苟時不苟真不苟

忙處無忙再無忙

鏡進

鑽腦既滑忙捨索

乳頭纔轉緊蹬杆

世事

四板築墻下面仍為上面
兩杆推磨前頭即是後頭

應務

謙卦六爻畫畫皆吉

恕之一字處處可行

自警

別個短長作已事

自家痛痒問他人

自悟

難消客氣衰猶壯

不盡塵心老尚童

戒言

利算無餘處

禍防不意中

品藻

雅士無奇名

幽人絕隱志

寄所知

道高要自來

名重身難隱

卷之八

八

春聯

心無一事累

物有十分春

書室

雲枕蕭條夢

旭窗隱隱書

自勉

量嫌六合隘

身負五嶽輕

座右

神明七尺體

天地一腔心

凝定

我心原止水

世態任浮雲

按察司公署

化日光天之下四方陰邪休行

大冬嚴雪之中一端陽春自在

襄垣縣公署

百姓有知願教竹頭生笋

卷之八

三堂無事任從門外張羅

歲聯

新德隨年進

昨非與歲除

城門四聯

東日延和門

青帝布陽春鬱鬱葱葱生氣溢沙隨之外

黃堂流德澤融融液液太和在翠苑之西

南 文明門

萬丈文光北射斗牛通魁柄

三星物采東聯箕尾上台躔

西 寶成門

萬寶告成耕夫織婦白叟黃童年年丁歌大有

五徵來備東舍西隣南村北嶂處處樂同人

北 鐘祥門

洪濤來萬里恩

把崇甯浮瑞雲

位女注千年聖水潛滋環海護生靈

發 小驛遞

痛蒼赤食草飯砂安忍吸民膏以縱口腹

親閭閻賣妻鬻子豈容窮物力而擁車徒

散句

關其饑念其寒誰不可憐子女肯推毫髮與民生不
枉為民父母

受若直忘若事誰能放過僕童况糜膏脂無治狀也
應念及兒孫

第一受用胸中乾淨第二受用外來不動第三受用

合家沒病第一受用與物無競

在養香韞在几香損在爐香日燼

莫向落花長太息世間何物無終盡

倒垂背上珍珠樹高起肩頭瑪瑙峯 應夫

但持鐵石同堅志那有金剛不壞身

休實貴後賤休逐眾人見

齋戒神明其德洗心退蕪於密

千古形銷骨已朽丹心猶自血鮮鮮 題湯陰縣不聯

生來不及拂吾髮義到何妨斷此頭

常將生 樂千歲只恐一朝便百年

曲如鍊錫鉤直似磨牙菽不覓封侯貴何為死道邊

終有歸來日不知到幾時

橫吞八極水細數九牛毛

試心石上印平地沒足池中有隱潭

誰見八珠能半飽我欲一捷便收兵

一滴委於一竿一分長似一尋誰謂細微可忽死生
只係瀟分

心留一二三情悟

米稜燒不熟石砂蒸不黏

兩詞無物表萬古一呼吸

莫以勤 怨辛苦朝廷竟你做好母

休慳休 懶不忙

休將煩惱求思愛不得思愛將煩惱

水銀豈可蕩漾沐猴更苦天教講

自花榮插不盡一股探上頭一夜生三寸

金瓶一聯六

荷絲綸之既盡雖鼎鑊其奚辭

新刻百新音文集卷之八終

新刻百新音文集卷之八

